



柯家山館遺詩卷六

歸安嚴元照修能

丙子元日

歲朝妍暖是休徵喜鵲殷勤喚早興  
初日麗檐猶帶溼輕風拂沼不成冰  
玉人呵鏡妝堪可老子扶藜病未能  
只待春來山意長牆頭穩看翠千層

獻歲第二日徐明經琳秀才球小集山館

婉彼丹穴鳥雙翔集中庭文采一何絢  
頡頏相和鳴惜無千尋梧何以慰其情  
毛羽日已豐會當凌青冥孤鸞鏤兩翮  
憔悴煙江汀不如鶯與鳩榆枋足全生

卷六

獻歲七日風日妍好讀杜公元日到人日未有  
不陰時句易陰為晴即用其韻成一詩

元日到人日未有不晴時已覺曉寒減勿嫌春信遲  
立次餘生端可慶多病亦何悲準擬漁磯綠臨流理釣絲

穀日立春

拂面條風到暄妍及此晨雲英疑化水山翠遠含春  
疏竹影猶薄古梅香最淳盤中細生菜又見一年新

送徐球

春水方生處輕帆欲挂時溪山應惜別梅柳足相思  
同調晨星似離衷舊雨知南陔蘭正茂歸柁未應遲



絕句呈郎秀才

蘇之

陽地梅株手自栽  
今春早擬看花來  
洗妝要待廉纖雨  
抱著寒香不肯開

又呈郎秀才

枕上新詩漫與裁  
無多心事在寒梅  
平明幾點敲窗雨  
不爲催花定不來

仁和許五秀才

乃穀過訪

春風吹蘭杜冉冉  
洲渚香之子訪衡闈  
粲然崐玉光高情  
睠疵賤索居感河梁  
分手雖太遠猶勝參與商

孤山山下梅綠梢著花未汪生

家禮

客闔江何事緩歸

卷六

二

轡幽香得春早志士匪世貴因君問消息慰我勞夢寐

蔡秀才

壽昌

以何邑尊

太青

題慈相寺面壁窩

之詩見示中有見及之語率賦奉酬

十載柯山麓誅茅傍澗阿  
鶯花城外好歲月靜中多聞道  
何平叔題詩面壁窩無端煩秀藻  
點綴到煙蘿

永日尋蘭若攜朋坐翠微  
興隨泉石遠勤覺簿書稀  
淺草香迎屐殘梅雪點衣  
無由陪勝賞晝寢正朝饑

奚大王二山館夜話同作

力疾成堅坐清言喜盍簪  
翦燈春盞盍喚酒夜愔愔霜  
柝傳來急風爐響欲沈綺  
衣渾不寐應惜薄寒侵

送奚王歸郡城

新蒲葺長沒，鳧翁弱柳初。搖酒旆，風一片歸帆聽夜雨。  
詩人身在畫圖中。

沈秀才

文藻

新得永嘉甄文云：永嘉七年八月

十五日，拓本寄餉書來，以永嘉無七年爲問。既

荅其書復題一絕於後

杜宇春歸望帝魂，江南猶紀永嘉元。殘甄畱得千年後，  
仿佛金波照淚痕。

許表姪

延澤

餉永嘉甘

分減傳羅帕，眞甘得永嘉。破苞香噴手，嗽液響鳴車。江

卷六

三

橋班同貴泥山路，未賒聽鷓何處好。畱共細君誇

戴秀才

如琦

惠筆四矢，索書扇戲題其上

戴侯雅善謔，下語有妙諦。貽我一牀筆，意以當束幣。春  
風欲倒人，落梅香在砌。苦索扇頭書，得毋太早計。

王二新購唐人書法華經墨蹟一卷

無端餅金輕一擲，換此蝨簡不盈尺。紛紛眼前和長輿，  
卻喜與君不同癖。古人論士可百爲，唯有一俗不可醫。  
吾評此書亦復爾，不病於韻能多姿。小竹里館靜如水，  
一片涼雲繞窗几。妙蓮華香二六時，宴坐祇愁定心起。

沈秀才

畦

過訪山館



庭梅經雨盡繞砌碧蕪滋政爾暮帆落及茲新霽時布  
衣寬著地華髮颯垂絲只合孤雲伴君眞野鶴姿

徐明經

養原

孝廉

璜

秀才

球

胡秀才

來金

山館卽席賦

沈沈春漏未遽央枯魚脫粟隨意將平生雅喜文字飲

今夕共茲燈燭光渥洼天馬奇在骨

時聞秀才令弟珣所作古詩甚奇

丹山老鳳清引吭諸君勿怪主人惡須信次公非酒狂

二月廿八日力疾夜發入郡風雨泊舟感賦

篷背深宵雨清寒不可勝迴風燈影亂警夢水波興九

死緣毛裏孤生付友朋唯餘思婦淚猶漬舊青綾

卷六

四

留宿榆蔭樓七日別時賦贈奚大

乍對盈尊酒重登百尺樓青山曾有約華髮不勝秋檻

外煙波愴窗中莞簟幽春風君子意何以荅綢繆

趙明府

增

罷官之後家於寶應去冬歸籍省墓

瀕行之際偶成款曲作此送之

腰閒金印大於斗不換眼前一杯酒趙侯八十健如虎

鳩杖無緣來著手恩恩宦海五十年囊中未曾名一錢

家山可惜拋舊隱攜家卻傍清淮孺滄江一櫂隨風雪

歸興難從俗人說重摩老眼看青山自典朝衫埋白骨

君收瘞同宗無主之柩甚多

松楸雨露心所悲華顛拜墓雙淚垂浮



雲此去元無定遼鶴重來知幾時五年寢瘵柯山腳生  
理危於九秋擗握手君嫌此日遲健關我悔年前錯驪  
歌欲別櫻筍鄉春江風起蘭杜香畫船更擬畱君住無  
那柳絲如許長

王二去年於道場山得古瓢宥有寶鼎三年歲  
在六字淳古可愛惜其不全頃復於山中搜得  
一件文獨完好下尚有戊子陳萬四字搨本寄  
餉賦此遺之

王郎先得寶鼎瓢愛而抱之夜不眠快意何事復咄咄  
六名而外俄空焉媧皇鍊石天可補嗟此闕字何由全

卷六

五

春山過雨山翠活隨人芳草青芊絲興來一徑入雲麓  
健步不問雙行纏眼明十字臥牆角軒如龍脊髻龍龍  
爬跖不惜爪甲脫苞裹自有衣裓便道旁小兒拍手笑  
何來此客真奇癩世人不癩端可惜一往情深始成癖  
肯隨時好傍門牆自愛古香凝几席明窗和墨親手撫  
非蝌非隸意象殊病夫凡事有天幸坐獲十顆明月珠  
一瓢文字何足論有感無端起方寸閒名那料傳千古  
世上今知有陳萬

立夏日作時以久雨斷屠

登盤只有新蠶豆不見櫻桃石首魚半月山中連夜雨



送春歸去意何如

王二寄餉烏米飯一器用松陵集中皮日休謝  
張潤卿詩韻爲謝

餽飯松陵舊擅名多君情重似張卿駐顏無謝西山藥  
照眼空傳南燭莖青籩黏香分遠遞錦鱗緘語祝長生  
不須更覓胡麻拌亭午飢腸斷轂聲

簡友

新晴郭外浮嵐好不爲看花也合來況有隔牆紅勺藥  
忍教孤負十分開

絕句

卷六

六

桑柘陰稀遠眺通茶蘼花發去年叢儂家新竹高於屋  
無數翔鸞下碧空

何邑尊寄餉銀米志感

愛士裁清俸關心乞酒錢節看重午近愁以片時蠲藥  
裏多生債毛錐未了緣此身如朽壤祇恐負陶甄

仁和勞五弟 經原 至

豐草初晞露高松尚宿雲閉門山意靜披竹雀聲聞翠

墨香盈握 以漢唐數 清齋味美芹 君病肺不食肉 愛君

肝膽古不獨快論文 君出予亡友胡功載之門去冬爲

簡仁和邵明經 書稼 并呈何明府 太青



綠陰空似幄照我讀書牀不見小車至坐令蓬徑荒停  
琴梅雨潤調鶴竹風涼好在何明府清吟引興長

送邵明經歸杭

襆被高齋宿流光廿載馳重逢心欲醉稍慰鬢如絲東  
閣看梅約西窗話雨期未應歸太遽水部況能詩

酬李大堂 倪三 稱孫 同訪山館見贈

路指龜谿熟征帆半日迂林間欣解佩竹外喚提壺病  
鶴猶思舞閒雲覺未孤應憐今夜月流影照菰蘆  
倪三自山館赴郡將規往吳門別後卻寄

卷六

七

面潛移蕭征衣欲化緇鶴林銷夏地歸訊莫差池

梅雨

五日黃梅雨中景色殊碧畦千頃漫青嶂一峯無泥  
滑思嘉客林深聽勃姑石榴紅照眼似欲慰羈孤

荆軻

同行不約高漸離刎頭枉殺樊於期英雄作事太鹵莽  
惜哉荆卿空爾爲銛鋒出匣飢蛟吼驚起秦皇絕裾走  
咸陽宮殿皆動搖銅柱何人拔匕首柴桑徵士意如何  
采菊無端感慨多可憐樂府新翻曲不譜秋風易水歌

霽



西嶺斜陽外初晴卷片雲池平新鏡面林展錦屏文篆  
籀蝸涎出塤簾蚓竅分疏麻猶可遺久矣悵離羣

謝何邑侯餉茶

銅餅煎水纜響車七椀破睡消眼花不須纖纖手親捧  
坐惜冉冉鬢欲華揀芽遣送煩明府搜攬詩腸非小補  
豬肝菜把一例看何必今人不如古

狂歌行贈何三

元錫

何郎好古兼好色半生拓落癩如雷畫餅一例笑名士  
駿骨千載無凡才裹足不久終南徑低頭欲埋故紙堆  
集古錄目讀書志一一手置羅奇核此事頗與溫飽關

卷六

八

絕倒無怪旁人哈黠鼠自喜薑滿屋老蚌時見珠孕胎  
腐儒生計未全拙纖兒簾金吁可哀歲月侵尋眞不那  
五十之年忽焉過二毛坐覺日蕭疏萬事何緣付嫵惰  
輕帆幾葉卸江村卻指雲蘿來款門相對短檠疑夢幻  
曾傳墓草已陳根窗前初闢叢書版石上重移舊酒樽  
廿年湖畔論交久君癩我狂在人口殘生我已痛無家  
好事君猶期不朽神仙虛說長不死英雄同盡無何有  
癩狂一任世人嗤請看悠悠百世後

長洲顧庶常

元熙

見訪別後卻寄并寄高明經

銓



玉壺盛清冰，臭色無可愛。值之煩暑際，始見功用大。書品卽人品，甜熟非雅裁。百病皆有藥，一俗不可耐。吾眼寸許光，自命識眞最。棄取豈無說，窮達故不在。朝來快雨過，積窪滿戶內。活雲歇竹頂，掩冉各爲態。翛然金門步，適與清景會。聞名心欲折，覲面體爲泰。清言見眞意，恍若日相對。朱鸞下層霄，百鳥不敢噉。幽蘭揚其芬，坐令衆芳廢。空山積美疢，五載屏人外。眷懷今舊雨，閔默付一嘸。無端獲勝引，未覺亞前輩。吾鄉老明經，一冷過者艾。生涯但賣字，志業在種菜。卜居水之曲，熱客避襪襪。與君同臭味，託契夙傾蓋。鄙人信多幸，餘馥兩可丐。

卷六

九

性情自有眞面目，誰解繪悠悠。無元賞，但以一藝槩。

兩君

皆負書名得詩勿浪播，吾言固已太。

爲王參題晉大典四年甄文

王郎得古甄，顏色失顛顛。啄門惱比鄰，夜半攪人睡。土花親手剔，隱約大典字。書勢非大好，落落有古致。癖好動神鬼，積想終一慰。磨鏡空費力，規爲硯田試。

得蔡孝廉開來府谷書卻寄

積疢空山歎，索居佳人天。末渺愁予無端，啄木驚清睡。傳到榆林一紙書。

八千里外隔江關，莫問征人幾日還。難得水田三十畝。



容君高枕看家山

病裏論交識古心  
焦桐意外得知音  
殘年風雪擔書去  
此際思君直到今

多情豈忘薜蘿身  
辛苦年年伴錦鱗  
不道石頭城下水

累人離恨滿江濱

前所惠書  
悉未入手

病來難得三年艾  
老去都無一片氈  
居士何妨長不死  
美人猶唱想夫憐

汀洲香滿白蘋花  
細寫愁心寄暮霞  
書到深秋正搖落  
蹇驢又擬客京華

廣東黃之驥

以訪舊來德清因過叩山館贈藥

卷六

十

贈詩畱連信宿於其歸也酬之以詩

之驥

先世

宦於江南今寓居揚州年十九才器竝美

火雲崔嵬壓屋山  
黃子訪我泉石閒  
鬱鬱直準氣象好  
片語便知非等閒  
眼光極遠不過寸  
對面終未識我顏  
把書著面磨破鼻  
怪汝了了分蕭蕭  
詩成翻水有健句

隱霧已窺豹一斑  
天公厚汝意良苦  
使汝年少嘗險艱

重淵鋼珠玉在璞  
物好始爲神所慳  
文章小技飾鞶帨  
要須置身顏閔班  
排空忽下萬銀竹  
疾雷倒牆風拔木  
意氣論交無淺深  
一榻凝塵止君宿  
何從倉卒問黃雞  
且與殷勤供脫粟  
萬金良藥脫手贈  
不謝恐君嗔我俗



託契居然致麟鳳羣處誰能等麋鹿臨岐勸作退步想  
識面勿嫌分手速秋來儻更客江南莫負霜風破佳菊  
奚疑王獻邀倪稻孫游道場山之歸雲菴續圖

紀事爲題二詩

一瓢曾此挂窈窕敞禪扉野鶴有時去片雲何許歸墓

門蘿月冷詩卷墨花飛挂瓢堂中藏太初山人及與劉清惠公輩唱和詩草墨蹟

地堪棲息嗟予心事違

詞客停征櫂精藍得勝游塵勞當處歇清福幾生修題  
壁畱鴻爪披圖問虎頭諸公高興極吾意亦悠悠

簡何邑尊借閱畫卷

卷六

十一

讀畫衙齋暑未闌憑誰商略共清歡雲巒暫擬從公借  
展向山窗自在看

流水聲中一事無玉川特地走長鬚好憑妙手調丹粉  
寫作琴堂借畫圖

客去

欹枕修篁下翔鸞不解去聲愁火雲收薄暝山月近新秋

送客驪駒曲懷人杜若洲淒涼仲宣賦何許更登樓

絕句

江月自娟娟江花欲暮天無情花與月是處得人憐

江月向人圓江花亦可憐無家江上客花月自年年



題陶徵士像 橫松雪本

鋪窗蘇絹顏色改水墨希微尚精采眼明見此柴桑翁  
千古高人生面在鬚眉落落誰寫真天水王孫下筆親  
丹青我最憐曹霸屢貌尋常行路人

何邑尊再枉手書索改訂所撰芍藥圖記并垂  
問近狀

神交難得何明府愛子乃及屋上烏頻煩雙鯉書往復  
苦問一錢囊有無丁生美談希世見劉郎譜花聊自娛  
劉貢父有芍藥譜 匣琴流水聽新奏咫尺末由趨坐隅

題湖社懷賢圖 并引

卷六

七

當明永陵中葉吾邑唐刑部樞勅社會於城南峴  
山號逸老社共十五人皆同鄉名德其最顯著者  
蔣恭靖公瑤劉清惠公麟也峴山張通參襄以他  
省人而來入社此圖乃通參屬其鄉人黃府志譌作王

彪績以寄顧尚書應祥者尚書有文記之陳上舍  
豐從吳門市購得之今藏其家絹本橫卷長丈許  
款署嘉靖壬子距今二百六十餘年矣

郭外林亭好當年有勝游浮雲辭冕絨佳日愛春秋粉  
梓流風替丹青小劫畱因懷趙徵士終老狎沙鷗烏程趙徵士金隱居南潯劉顧兩尚書招之入社不赴事見靜志居詩話



夜坐

靜坐松關啟微涼竹徑通浮雲不礙月高樹欲寧風影  
喜三人共吟成四壁空誰家吹玉笛流韻碧虛中

客至

僻巷誰相引良朋噬肯來月憐清夜滿樽趁晚涼開照  
影嫌難燭寬心勸舉杯山城長不閉歸去未須催

謝章上舍杰餉茶墨

芥茶香滿裏黠墨色明礪慰我頻年病煩君錦字題長  
蒿當路合獨樹與雲齊他日金門步重來儻未迷

得徐球杭州書知汪家禧病時汪新歸自福建

卷六

三

長鋏歸來後依然臣朔飢病因南國溼憂在北門詩積  
善若爲報論心誰見知殷勤徐孺子省子足相思

所思

鴈去重霄迴樓高獨夜凭所思人甚遠相望月之恒錦  
字經年滅明河到曉澱金莖清露滿祇恐冷于冰

久不得元和顧秀才廣圻息耗近聞其作客揚

州貽書問訊頃得報章知其以僕爲死久矣感

而有作

顧子十年別鏡中霜鬢新狂奴窮有態經術老能神葉  
下楓江冷書回黍谷春祇嫌長不死佳傳付因循來書有正



擬少有心情作佳  
傳以報良友之語

將往無錫初發舟作

蒼莽煙無際扁舟出晚汀  
蘆花秋欲雪漁火夜疑星  
鴈影連雲暗驪歌到岸停  
今宵山館月寂寞照疏櫺

平望

輕舟平望泊風景水雲初過  
雨湖濛賤迎霜驛柳疏魚  
鰕生計足秔稻歲功舒  
吾意閒鷗似行行亦自如

鄒上舍

煥

招集賦情并呈令弟

煥

復此高齋集居然不隔生  
星霜驚物換風雨見人情  
酒後朱顏在燈前白髮明  
清襟逢二妙真覺寸心傾

卷六

十四

歸舟

解纜蓉湖口回頭一愴神  
霜楓紛送客江月遠隨人  
籬下黃花鬧磯邊白鳥親  
故鄉幽興極歸去岸綸巾

經虎邱

殘日山塘路蘭橈檣岸斜  
春人明似月霜樹豔如花  
簫管隨流水樓臺切暮霞  
愛茲煙景好不那客思家

未抵家前數日孫丈

青錫

過訪畱札而去爲之

悵然

抵家剛一笑展帙忽興嗟  
有客來看竹無人爲煮茶  
舊盟鷗夢遠小字鴈行斜  
空負霜中菊斑斑細作花



九日勞五弟經原就宿招徐球蔡逢春夜集

黃菊如人澹青山爲客容閒居逢九日清集慰孤蹤風  
燭三條換霜鬢幾輩供爲歡雖草草堅坐未辭慵

何邑尊餉菊

官閣懷人意霜天餉菊枝爲容秋共澹幽賞晚相宜對  
影渾忘病餐英足療飢鬢齡儻可制端荷使君慈

十三日沈畦至次日奚疑至望日王獻至次日

倪稱孫至信宿山館席閒賦呈

嘉節恩恩過良朋續續來淥尊連夜設黃菊趁晴開室  
以支牀隘詩應擊鉢催主人差不惡歸棹且遲迴

卷六

五

酬海寧朱秀才慕壽見懷之作

山館寒宵話相看意未申嬾嬾初偃月草草欲歸人忽  
枉瓊瑤句深慚老病身因君披素抱搖落感蕭晨  
古調彈誰聽時宜合已難青衫何計脫華鬢向人殘客  
裏過從少愁邊歲序闌初弦城外月遲爾更同看

殘夜

夢覺知衾冷情情恰五更月斜窗送闇風定柝催晴鬪  
鼠縱橫跡荒雞遠近聲殘燈猶照影誰悉此時情

何邑尊緘示望吳羌山悼亡女之作賦呈

銘筆都官竝詩名水部能新篇來壘壘殤女悼稱稱梅宛



陵集有哭殤女稱  
稱詩又有擴志  
淺土依初地餘光借佛燈  
女瘞金蓮菴側  
片  
言終不食曾許翦榛芳

奉和何邑尊重遊慈光寺唱和之作

南郭招提好仙臯昔往還重來修竹識相對老僧閒松  
蓋斜支徑雲衣半護山歌行成主客佳句滿孱顏

送如臯姜親家

德煒 僕長女嫁君 次子務增

更勸尊中酒河梁話未闌日斜津鼓急江晚客衣單共  
惜華年晏空歌行路難嶺梅開最早遠寄一枝看  
君歸家即

擬往 廣東

寄奚疑

卷六

夫

我心不忘榆蔭樓昨宵夢登樓上頭樓中之人雅愛我  
枕上見余入夢不同雲幕山山態失野梅衝寒試花發  
淨撥牀頭一襲雲我欲扁舟來看雪

得嘉興馮秀才

燭

書有明春來德清之約又言

新遭覆舟之厄卻寄

人未騎鯨去書猶附鴈傳相尋來歲約重結更生緣藥  
裹消餘景儒冠誤少年素交誰暢遂把筆意茫然

何邑尊命題小像

最幸知心早何嫌覲面遲瓊枝比顏色祿米荷恩私粉  
墨龍鸞舉風神玉雪為移來新畫障先喜識須眉  
先生與余



書疏往還極  
密猶未相見

閒居自述

養病非耽靜排愁強綴文  
病風磨墨慣落葉校書勤  
客至傾三雅詩成張一軍  
逐貧猶有賦吾欲笑揚雲

邑尊遣餉盆梅侑以新句率賦呈謝

郵筒緘麗藻仙令送梅花  
東閣分詩興西湖憶故家  
山寒知我獨歲晏藉公華  
五字長城在偏師敢浪誇

朱秀才

恭壽

歸海寧葬母索詩爲贈

小竈催歸思寒江夜放船  
及茲封馬鬣不待相牛眠  
宰

上松成拱山中月正圓

葬期在仲冬之聖

相隨憐小妹慟哭墓

卷六

七

門前

君有妹未嫁夫亡不更字

山居向無梅植去年首春始向郎秀才

薪之

乞

株置書窗前擬作一詩因循未就縣廨中有梅花聽事亦存空名何侯始爲補種并賦長歌紀事今者節交小寒風日佳好對此疏影斐然有

作示秀才并呈何侯

少時不解梅花好乾笑林逋  
被花惱愛梅道理今始知  
歎息霜毛亂蓬葆山家風物初不惡  
古桂修篁滌煩燥  
只愁雪後春未來寂寞歲寒誰與保  
鄰翁牆角玉照眼  
敬乞一枝及春早移來健步不作難  
無數瓊妃下晴昊



未妨美疢三載積坐覺清愁一天掃欲瑤小詩報嘉惠  
齧筆如魚未成橐能詩今見何水部東閣補梅傳麗藻  
高情不逐簿書減大篇欲壓蘇黃倒香風今日喜有鄰  
佳話他年應可攷官梅野梅不同致一例陽春蒙大造  
三冬今歲試妍暖坐對明窗紅日杲山中霰雪信尚遲  
枝頭蓓蕾香已抱巡檐倚杖動詩興脫手彈丸殊草草  
持贈東家植杖翁更報琴堂知我鮑

沈秀才

哇

書來言於道場山訪得明溫忠烈公

璜之墓作詩寄之

勝國際末造吾鄉三忠臣嚴

烈愍公覺

先而凌

忠介公義渠

後復

卷六

六

有溫推官推官殉徽州妻女皆投縵碧血之所闕乃在  
城南山實惟不食地平曠無林巒哀湍自響蒼荒草長  
於人棚民所盤踞狂躡作比鄰幸有道旁碣大字猶未  
刊碣云明崇禎癸未科進士文林郎徽州推官寶忠  
元溫公夫妻母女同殉國難之墓姻眷弟吳時亮立始  
知一坏土中藏萬古冤歲月幾遷賢百有七十年夜兩  
泣山鬼麥飯無耳孫好義有沈子家在何山前百里叩  
蓬闥爲我述所聞中酒不能飲涕下紛潛潛再拜告沈  
子及此墓未湮願君策杖去勿惜登頓煩沈子領其顛  
歸去不浹旬書來無他語此事覩縷陳言曾挾山僧竊  
窺尋澗源拜起徒仿俛夕陽在榛菅四顧莽無人芻蕘



無可詢開緘再三歎中夜寢不安忠節孰不欽況在鄉  
先賢春秋感霜露無人薦蘋蘩是固吾黨責檢校諒不  
難饒瘠二三畝買以充祭田年年寒食雨煙柳搖春妍  
招要同懷子一尊酌墓門實惟重名教非徒慰英魂吾  
病久憊懣茲懷尚勤勤裁詩報吾友知我所思存空言  
慎勿嗤余襟良已殫

將往無錫初發舟作

繞郭山全失連江霧欲沈如何孤棹去及此暮寒深獨  
鶴樓猶警疏梅冷不禁柁樓回首處小別亦縈心

曉泊

卷六

九

霜篷泊吳江天黑星半殘羣雞爭哢喔鄉夢猶未安煌  
煌瞻東方精色發夜闌歲晚無霰雪水宿亦可歡

歸舟

寒雨催歸棹江梅照別筵客心禁永夜鄉思逼殘年寶  
鏡空畱影瓊枝不再妍猶餘兒女淚霑灑翠幃前

次韻何邑尊見懷之作并謝賜卒歲銀米

愛士心彌切疇恩計轉艱春風先小草雅裊在高山避  
俗何妨病耽詩不礙閒非因蘧玉使底事啟柴關

臘月十九日

歲事仍殘臘江鄉已早春綵幡添鬢勝生菜慰眉顰辛



苦千秋業支離百病身玉梅嬌不那伴我獨情眞

歲不盡五日得黃

之驥書

是處生春草相望極暮雲書隨歸鴈發香共落梅分晚  
歲壘鹽累空山霞雪紛清琴長在抱那不感離羣

楊秀才

鳳苞

挽詞

藉手千秋業華顛一老存主盟寧有媿觀妙欲無言妖  
夢占東里殘年哭寢門誰修耆舊傳秋草不堪論

除夕

柏葉知春暖椒花媚夜深百年蛇赴壑一笑鳥迷林舊  
雨垂垂盡新霜故故侵修名不無意眞見古人心

卷六

二十

丁丑元日

東方精色應雞鳴照曉梅花萬樹明病裏新年經五度  
鏡中影事憶三生恆河觀面重添皺初地回心晚證盟  
更向碧天占氣象張星終古伴長庚

八日

瀟瀟人日雨料峭作清寒徑草綠未徧庭梅香欲殘鬢  
隨詩境改愁入酒杯寬薺菜調羹得和泥摘滿盤

聞春鳥

圓吭帶雨清春鳥出林鳴枕上喚殘夢天涯生遠情

元夕

第一回圓月今宵照薜蘿山城燈市少水國夜寒多促  
席杯浮蟻明妝黛發蛾忽聞遙院笛惆悵落梅歌

陪徐明經養原溪畔看梅

一年日積三百六十六三百六十五日長刺促來日何  
如去日多一日看花死亦足谷風習習吹寒梅梅林一  
夜花盡開白雲入夢如有約翠羽傳訊誰爲媒飴菴先  
生發高興杖藜特爲看花來娑拖且從媮樂去蹙躡寧  
辭力疾陪山中有花山亦好滿城桃李皆重儻無風入  
坐香自遠有鶴孤飛招未回先生行年六十化老境醞  
醞如啗蔗侵尋華髮生明鏡浩蕩春風隨不借得意花

卷六

五

開冰雪中偶然遲暮競春工從今只願花開日歲歲花  
前著此翁

後數日復往觀則已殘矣口占

看花巾笠自隨身一棹斜陽獨問津寂寞小橋流水外  
重來不見縞衣人

雨中杏花

杏花紅在最高枝小雨空濛薄暝時可是春人工作態  
啼妝猶抹淡燕支

落梅

梅花落盡賸空枝卷地東風不自持珍重一枝和淚折



折枝人較折花癡

閒步卽目

無伴尋山去新晴路未晞  
泉通清冽活旗約晚風微  
徑草隨人遠林花逐鳥飛  
遙憐溪水碧漾影上漁磯

寄黃之驥揚州

登高肆遠眺雜花散芳甸  
車馬何紛紛所思人不見  
華予歲云暮素書如復面  
疏麻豈無華欲折淚先濺  
春江東去無盡頭江上風  
生杜若洲相思直是頭堪  
白更著斜陽供暮愁

王獻寄餉所揚蘭亭有淳熙壬寅朱文公跋語

卷六

三

前有蘭亭敘正本賜潘貴妃九字印璽絜絜或  
理宗所集百七十本之一未可知也其石今在

郡城方氏

蘭亭正本南渡遺王獻搜訪親搨之書來令我較肥瘦  
聚訟何堪重置詞大儒審定畱題識奇秀端應居上駟  
跋中有奇秀渾成之目曾將神物付傾城誰向深宮問遺事  
穆陵十集隨飛煙冬青花開亦可憐誰知眞帖今猶在試續  
吳興掌故編

管秀才千翔得殘絹畫像尺許幅巾羽扇意象

儵然上有題詞止存風賦情芳草五字亦已半

蝕硯北雜志載姜白石自題畫像詩云鶴氅如  
煙羽扇風寄情芳草綠陰中黑頭辨了人閒事  
來看凌霜數點紅以此校之始知是白石遺像  
畫師款署亦殘蝕過半蓋白良玉也

一尺零綃小劫過銀鉤半蝕費摩挲布衣自有千秋在  
生面凌煙未較多

春風鬢影畫難工評泊無人貌小紅省識詞仙遺恨在  
馬塍花事淚痕中

清河相逢話別愁梁溪一水接蘋洲人閒萬事何時了  
天遣飄零到白頭

卷六

三

鷹揚鳳舞想儀彤韻事今歸韻竹亭仍傷水精宮畔住  
吹簫人去信通靈

三絕句

恩恩桃李催春老寥落幽居心事違聞說東風吹柳絮  
一時齊向縣橋飛

看花對酒心何在翦燭論文意未忘風雨閉門元不惡  
只愁春草過人長

客至安排自焙茶銅餅隔竹響繅車無多春色供人看  
窗外新開郁李花

三月廿四日



久病逢初度餘春惜此時花看千品過學悔十年遲大  
造終私我遺書欲付誰乘龍新女壻喜氣頗相隨

章壻  
苞偕

小女來  
山館

夜聽小女

秦宜

誦楚詞唐詩

山堂清漏滴復斷茗椀頻傾紅燭換宵深小女閒展詩  
妙絕轉喉珠一串碧空誰曳風中箏似往而返殊有情  
能與作者會節拍豈無妙解通神明十年霜鬢催人老  
一片青氈誰與保誦詩欲廢鴟鴞篇卽今藉汝開懷抱  
歸去深閨刺繡餘未應袖手遣居諸七篇女誠從頭讀  
猶勝文姬校父書

卷六

十四

如臯姜親家

德燁

之長子

務培

隨侍祖翁海陽

明府至浙以詩投贈賦此送行

寒波掀江天欲雪猶記去年江上別今年春盡又逢君  
相屬一杯深十分繁花下地如紅雨日暮樽空客起舞  
人生情話能幾場對君如何忍不吐男兒墮地眞可憐  
一生何事非由天看人袞袞取卿相回頭已非美少年  
登山擒虎等閒事第一難辦二頃田看君落落有英氣  
富貴還應赤手致圭璧束身須及時翰墨蜚聲直餘事  
言深寧復恤交疏尊甫知余又愛余君歸嶺外雙魚便  
爲道吳儂訊起居

時尊甫  
客廣東



楊秀才鳳苞遺像陳上舍經索題

碧梧萋萋高十尋書窗日午常陰陰誰歎撫卷此晏坐  
太息斯人空苦心撐腸磊落書萬軸語笑從來不諧俗  
槃中鮭菜三韭供鏡裏頭顱十年禿仲翔元是老經師  
東野諒非軒冕族恨無定本傳千古賸有詩聲馳九牧  
我昔少年有狂名意氣往往陵公卿便民橋畔識君面  
君居南潯便民橋君正壯年已老成窮龐豈足當大敵見君敢  
不踞且擊菑畦老去王豫姚世死吳孝廉史丁教授經  
皆已矣作者何人識古風此老無慙稱繼起誰向襄陽  
訪耆舊他日豈無習鑿齒訣別城南日暮雲去年春杪  
子力疾入

卷六

五

城君訪予寓樓寢門一慟死生分門生尚有侯芭在更  
此後不復相見買青山為起墳上舍頃謀買地  
歸雲菴側葬君

卽事

雲蘿位置一身便臥痾江臯不記年掌上珠看今日穩  
懷中月比舊時圓蓬蒿我豈忘三益湯液人誰效十全  
畱得殘書遮病眼未妨孤負楸頭船

重錢刀行

大江不西逝衆水東滔滔孰是世上人而不營錢刀黃  
者良金白者玉主人一身工障簾人生不恨無百年安  
得銅山墮我前君不見門前買菜作氣勢直得一錢雙



裂皆病來服藥求延年日破千金都不計

獨往

徑草蒙茸合林扉寂寞開鳥鳴催看火筍老不驚雷遠  
岫有雲出故人何日來杖藜成獨往

裴回

題姜海陽丈所餉端硯用少陵石硯韻

端溪石多姿溫溫如璧羨美才歸衆視一朝琢爲硯丈  
人江海來懷此贄相見元英橢垂雲紫嵌斜掃電松煤  
不成堅玉潤時復見奇珍登几庶喜色溢顏面伊予百  
無能筆耕甘守賤石公有古情百年伴閒宴青雲作賦  
客起草明光殿有眼如鸚鵡偃蹇不一盼

卷六

三

五日

警節逢端午榴花照醪醅絲絲能續命蘭艾有餘馨綠  
綺微風入黃梅積雨停東家分角飯因感屈原醒

朱秀才

恭壽

鄭明經

榮增

邵明經

書稼

攜鮮魚

就飲

霜鱗失勢出驚湃就網買魚亦奇快岸旁折柳雙貫顛  
飭付山廚走一介鄉風斫膾傳古法柳葉梨花紛狡獪

見李太白集紫  
桃軒雜綴

閨中雅知愛客癖潔釜不煩再三戒客來

六合亦清朗款款熏風待情話柴門日色隱桑柘斗室  
張燈未嫌隘饑奴四面盡前坐不使冰盤有餘噉椎牛



未解豪客心食竹且逃寒士債對此真成憂盡忘久坐  
猶聞氣成餒沈疴積年長不死高興今宵無可敗世人  
誰不縛塵纓吾黨暫時謝天棧酒闌無計苦畱客片月  
松梢已高挂抱琴明日宜重來一味紫茄君勿怪

夢覺

午夢虛窗覺脩然耳目清香殘猶裊篆茶熟欲聞笙疏  
竹捎雲重高荷瀉雨輕江村幽事足空負白鷗盟

六月六日夜發入郡城

拭面千行淚衝炎百里程打頭風雨急奔命死生輕叢  
荻蕭蕭暝流螢故故明推篷煙水闊太息此孤征

卷六

七

將歸題榆蔭樓壁

清涼三伏天亭午不聞蟬十日小樓上百尋高樹前開  
樽明月入下榻主人賢一樣無家淚蒼茫憶去年



球總角時讀書修吉堂見伯父館菴先生所樂與談者  
獨悔菴居士爲最居士歸安人閱數月一至至必作竟  
日談球雖不知所談然心竊喜之喜其久而不去也丙  
寅冬居士違其故鄉卜居吾邑城北柯家山之麓時家  
大人閒居里門風月之夕居士輒過吾家之谿閣球藉  
得聞緒論然是時未聞言及于詞也越二年大人補官  
京師居士亦有會城校書之役過從猶未數自己已以  
還居士杜門山館球於舉業之暇偶作韻語輒以就正  
居士往往獎飾之且時以所作見示球因得盡讀居士  
詩文并見所爲詞球於庚午冬卷偶之後臥病谿樓居

序

士所以慰藉之者甚殷球感居士有古人風恆從居士  
游而居士倚聲之作亦因球往還而寢多矣去秋居士  
鬱憂成疾入冬少蘇乃料檢新舊所作刪定若干手寫  
未及半而憊付球續之念無以慰牢愁之沉錄旣終卷  
乃從吏付諸梓人剞劂旣就命爲之序非球所敢承也  
顧念周旋日久惠好彌竺有不能已於言者又念吾鄉  
當南宋時詞人有李氏商隱周隱弟與公謹聖與相  
伯仲元明以後嗣響者寥寥近日吾邑許兵部有鑑止  
水齋詞刻居士與兵部爲中表兄弟經神學海竝擅品  
目雖詩人之餘事天亦不生是使獨也以視二隱之競



爽夫何讓焉

嘉慶癸酉秋七月德清徐球序



柯家山館詞目錄

卷一

生查子 減字木蘭花 秋波媚 小重山 柳

梢青 一剪梅 阮郎歸 憶秦娥 蘭陵王

減字木蘭花 風光好 菩薩蠻 金縷曲 相

見歡 巫山一段雲 南鄉子 醉太平 二 疏

影 祝英臺近 河傳 點絳脣 齊天樂 采

桑子 秋波媚 淡黃柳 念奴嬌 南樓令

霜天曉角 浣谿沙 蝶戀花 減字木蘭花 二

秋波媚 太常引 高陽臺 望江南 念奴

目錄

嬌 阮郎歸 采桑子 太常引 賣花聲 長

相思 江城子 五 點絳脣 三 菩薩蠻 臨江

仙 采桑子 浣谿沙 二

卷二

鷓鴣天 五 滿江紅 二 點絳脣 鷓鴣天 滿

江紅 賣花聲 念奴嬌 滿江紅 鷓鴣天 二

高陽臺 柳梢青 秋波媚 采桑子 踏莎

行 漁家傲 采桑子 鷓鴣天 醉太平 蘇

幕遮 點絳脣 更漏子 大酺 八歸 驀山

谿 一落索 浣谿沙 齊天樂 撲春慢 摸



魚兒 菩薩蠻 浣谿沙 點絳脣二 南鄉子

清平樂 踏莎行 好事近 南樓令 念奴

嬌 東風第一枝 清平樂 摸魚兒 疏影

南浦 金縷曲 蝶戀花 清平樂

卷三

玉樓春 江梅引 鷓鴣天 定風波二 點絳

脣 破陣子 好事近 點絳脣 意難忘 生

查子 清平樂 浣谿沙 尉遲盃 渡江雲

菩薩蠻三 鳳皇臺上憶吹簫 水龍吟 點絳

脣 清平樂二 采桑子 鵲橋仙 謁金門

目錄

二

采桑子 西江月 蝶戀花二 三姝媚 卜算

子 念奴嬌 虞美人 菩薩蠻 青玉案 浣

谿沙 風入松 瑞鷓鴣 人月圓 好事近



